

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XLIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

XLIII.

S D. Reverende & clarissime vir, Patrone colende, *Ὁν χροὸς ἀλλοίς, εἰδ' ἀδάραις, εὐτοίς ἀσθένειαι πρὸς ἄφρονι, ὡς ἀγαθὸν ἀνδρῶν ἐμοφράδμων ἰσότης*, praesertim in Ecclesia Dei, cum mentes & voluntates docentium, in Domino Deo, & confessione veræ ac incorruptæ de Christo doctrinæ, sunt copulatæ. Talem in Ecclesia & Schola vestra restitutam esse concordiam, summa cum voluptate ex proximis ad me literis tuis intellexi. Ac toto pectore opto, ut non *ὑποκατανομία*, sicut Thucydides loquitur, sed sincera & diuturna sit concordia, & posteritati salutaris. Mihi cum lubricis illis anguibus, ut tu nominas, & formulis ambiguæ ac *ἰσαμφοτελεῦσαι* ante biennium aliquid negotii fuit: ut ex pagellis de subscriptione confessionis Augustanæ, A. 4. & B. 1. intelliges. Et Zanchi *ὑπερμαφίαν* plane *ἀμφίβολον* esse video. Nam sicut credit, veram esse formulam, ita etiam docebit. Quod de nostra Schola & Ecclesia quaeris, scito, Dei beneficio, mediocrem in vera de Deo doctrina, Lutheri ministerio instaurata, consensum esse. Ac proxime mense Junio, diuturnæ illi, quæ inter Principes Megapolenses, & hujus urbis Senatum, de Academia fuit, dissensionis, finis optatus & salutaris tandem impostus, & ex Principum & Senatus Professoribus unum Academiae Corpus coagmentatum est. Tabulam lectionum hoc anno propositum existimo, me tibi proximo mense Martio misisse. Nunc ad manum non habebam. Addidi autem hisce literis alias pagellas, ex quibus mediocriter hanc Scholam florere intelliges.

Vicina Ecclesia Wismariensis à Doctore Johanne Wigandoregitur, cui insignia gradus Doctorum proximo die 12. Julii apud nos collata sunt. Et in promotione à me recitata oratio de Johanne Frederico: Qui an veneno vel alio contagio mortuus sit, incertum est. Anabaptistas omnes & Sacramentarios in urbe Wismaria, Illustrissimi Principes nostri anno superiore, à delectis aliquot Theologis audiri & institui: & contumaces ex tota ditione relegari curarunt. Ita illud Augiæ stabulum recens expurgatum est. Bremensis Senatus adhuc ex urbe exulat. Novus, qui in urbe est, Senatus, Cives omnes novo iurejurando in suam fidem adegit. Recusantes juramentum, ex urbe ejecit. Proximo mense Julio à Subdelegatis Commissariis Imp. Goslaricæ causa Exulium tractata est. Recessum 7. Julii factum mitto. Inter vicinos Reges Daniæ & Sueciæ atrox bellum exarsit, ad quod proxima die Jacobi, Rex Daniæ cum equitatu suo ex urbe Hafnia movens, in Sueciam profectus est. Heri in hanc urbem Rostochium venerunt Ericus à Berlepsch & Doctor Cracovius, Consiliarii Augusti Electoris, ut sui Principis nomine, tractationi de pace intersint. Ericus dux Brunsvicensis copias conscripsit, quas cæteri ordines hujus inferioris Saxonie, vi dissipare nituntur. Ea de re Conventus Brun-

sui-

suigæ ad diem 10. Augusti indictus est. Sed hæc à nostra cōditione aliena relinquo. Conterranei tui quinque apud nos recte valent & diligenter discunt ac modeste vivunt. Fruuntur communi Mensa superiori mense primum instituta. Cujus convictores singulis annis 13. Joachimicos pro cibo & potu numerant. A te vicissim literas de vestræ Ecclesiæ & Scholæ & rerum Gallicarum statu & synodo Tridentinâ &c. expecto. Bene vale. Cal. Augusti Anno 1563.

David Chytræus.

LXIV.

SD. Reverende Domine Superintendens, frater cariss. Cum hic egregius vir, nobilitate generis virtute & candore præstans, Dominus Wolfgangus à Seebach, quo cum mihi jam olim in adolescentia utriusque multus usus fuit, quique me indignum & obscurum homunculum pro sua bonitate complectebatur tunc & sibi adungebat, mihi exposuisset familiaritatem, quæ sibi tecum intercederet, cum quo sæpe conferret de communibus Ecclesiæ adflictionibus: facere non potui, quin per eum tuam pietatem salutarem, & ostenderem, mihi ipsius conspectum & colloquium gratissimum fuisse, non eotantum, quod veteris nostræ dulcis tunc conversationis & conjunctionis historiam, mihi in memoriam revocabat, unde magna ex parte exciderat propter curarum & laborum varietatem, quas interea temporis sustinui: Verum ideò quoque, quod de te & certaminibus difficilibus tuis multa commemorabat, quæ me jam anxie expectantem, quid Helvetii & Palatinici contra meum impolitum scriptum de Cæna Dominica opposituri sint, non leviter erexerunt & confirmarunt, ut sperem, DEUM animum mihi additurum, ut perferre queam, si quid contra me dicatur asperius. Verè abhorreo à certaminibus, & illorum occasiones fugi hætenus studio, quanto potui, & in hac intricata causa multo libentius voluisssem scriptio-nem omnem omittre, non quod de sententia, quam tueor, dubitem, sed quod facile prævidere animo poteram, non defuturos aliquos, qui qualescunque meum scriptum exagitaturi & impugnaturi essent, quibus si responderem postea, fore, ut dicatur per me hoc certamen vel renovatum vel auctum. Sed consolor me conscientia voluntatis, non ambitione aut ulla reprehensione digna impulsæ, sed compulsæ ad hujus scripti editionem ab iis, quorum autoritatem defugere mihi non fuit integrum. A te vero peto pro conjunctione nostra, Reverende Domine Doctor, frater carissime, non solum ut mecum doleas, si videris me duriter flagellari ab iis, qui